

清、光緒十二年刊本影印

通商約章類纂
(一)

清、李鴻章撰

華文書局股份有限公司印行

通番類纂

光緒十二年集刊
板存天津官書局

通商約章類纂序

欽差大臣會辦海軍事務 太子太傅文華殿大學士直隸總督二等肅毅伯合肥李鴻章撰

泰西立國之道以互市爲經以交隣爲緯而訂約之議行焉蓋
猶春秋會盟載書遺意從則直違則曲和戰之局由是而決其
關於兩國利害抑重矣哉自入中國交涉以來率循是道
朝廷昭示大信嘗特遣重臣經營其間頒下所司奉行毋怠顧
民習故常耳目所觸動多驚疑或至芥豆之微上厪

宵旰吏亦瞠目束手莫辨所由予伯兄昔深慨之就南北通商
衙門鈔錄案牘思勒爲一書曉示天下冀泯異同之見以銷內
外之憂二三同志賡續而成卒有約章類纂之刻意甚盛也夫

以天下之大人材之衆不患事之不辦特患事之不明知其當然審其所以然則萃吾心與力所至以赴厥事烏有不辦者哉
記曰以其昭昭使人昭昭吾於是書亦云然已光緒十有二年
秋八月

通商約章類纂凡例

一各國通商以來條約與章程並重每案定議之後總理各國事務衙門通咨各省刊布遵行有司據爲信守然未輯有成書也光緒初年直隸省垣始有通商條約類編之刻就事立名區分頗晰而總署奏頒之章程各省通行之成案均未入錄卽各國條約章程亦未能一一詳具僅備規模而已是書畧仿其義廣收博采增至數倍之多更以吏戶禮兵刑工六類總其綱領庶便服官佐治者考核有資一是書以條約章程爲主而奏頒章程及通行成案以次附列名曰約章類纂從其朔也然通商事務固準條約章程

亦時有因事立論變通辦理者參攷互證貴有折中初不以序次後先別爲輕重惟條約章程兩國議准遵行概不敢增減一字其奏定章程通行成案間有繁重語句稍從節要至洋文異解及胥鈔誤字隨在多有則姑仍之

一是書大綱分吏戶禮兵刑工六類又就六類分十有五門而悉據各國通商年月前後以爲次序庶乎有條不紊惟通商所重講信修睦無事談兵而周禮夏官職方之屬輿地疆界是所專司足以取備兵類今綜其大凡曰吏類者二遣使門設官門是也爲卷二曰戶類者二稅務門償恤門是也而稅務門則分十二子曰戶類遂分爲十三爲卷

十三曰禮類者五交際儀文門優待保護門遊歷門學習
藝文門傳教門是也爲卷五曰兵類者一疆界門是也爲
卷一曰刑類者二法禁門獄訟門是也而獄訟門則分五
子目刑類遂分爲四爲卷四曰工類者三租傭建置門招
工門行船門是也爲卷三其各國立約年月及訂約兩門
則仿律例全書名例冠首之義別爲總類上下列於六類
之前爲卷二其不入諸類義當存考者則有彼此相助選
募洋將江海各關關政江海各關船政各國賽會別爲附
錄五列於六類之後爲卷五通凡三十五卷終焉

一通商事務已歷四十餘年事變日增莫知所屆是書所錄

統以光緒十一年前爲斷分類排纂不厭其詳而悉皆奏准頒行中外臣民所宜周知無庸避忌至於事關機要未奉宣示者不錄案情瑣細不足援引者不錄私家述作難資取證者不錄惟間有攷訂異同之處應附注者則加按字別之其原有注者則依附正文備錄於下

一是書條約章程悉以各國通商年月前後爲次而奏頒章程與通行成案則以統論各事者居前專指一事者居後其事無等第及一類數案者亦仍以年月前後爲次併各注明年月以備參考至中國朝鮮貿易章程亦通商各國共知則附錄於後

一各國條約章程具載君主大臣號名而訂約之由換約之地守約之議行約之期皆關交涉大凡不可從畧今悉分門纂入首段末段概行標注餘凡條款則悉依各國原次標注惟英舊約及噶典哪喊約原無第一條第二條等目今依原次補加標注而俄續約英煙臺會議德續約每條每端皆有數則今散歸各類各門亦悉依原次詳加標注一是書六類中條約章程有一款一案並指數事例應分隸各門則於前見某門下全錄併注明見後某門而於後見某門下仍錄全文以省通尋全卷之勞若次列章程成案文句較繁未便逐門複錄則錄全文於前見門下而後見

門下只列條目注明已見前某門遇有全文例應錄於後
見門者則前見門內節錄大端注明詳見後某門以免疊
見重文之贅至於各國稅則皆係一律惟俄國陸路及日
本海關別有專則又各國稅貨稱名不同並續有加減之
處悉一一考訂附案語下方不敢繁稱炫博亦不敢簡取
失要

一戶類稅務內稽稅杜漏一門凡驗貨納稅稽查牌照嚴防
偷漏等事歸之而走私事涉越界者則歸刑類法禁門涉
漏稅者仍歸本門又罰例一門凡專涉罰條等事歸之其
餘照約罰辦之案仍別歸各類本門禮類傳教一門凡關

涉教士買房等事歸之而外此洋商在口岸租賃置買等事則歸工類租傭建置門刑類法禁一門凡約束水手等事歸之而接待保護兵船等事則歸禮類交際儀文優待保護二門矣畧舉數端以概其餘

一是書戶類執照諸式胥關稅務出入而禮類寶星諸式交際所重工類各國旗號諸式行船在所必講餘亦交涉中應有之義今悉分門摹寫各歸各卷之末古人圖書並重意在徵實不取空譚就是書推廣言之如兵類疆界宜取中俄兩國畫界爲圖工類租傭建置宜取江海各關租界爲圖庶便考鏡然身有未經不能備曉姑從舍旃

一是書之輯肇始光緒初年湖廣督部合肥李校荃尙書檄

吾鄉張藕舫司馬

開運

赴南北洋備錄成案嗣經閩龔謫

人方伯加以修葺略具草槁陳於兩廣督部合肥張靖達

公展轉而歸津海關道署建德周郁山觀察討論屢年長

白裕閩西太守

庚

桐鄉勞育初大令

乃宣

贊襄其事始有

專編而長興朱子木刺史

幹臣

寶應劉丹廷主政

啟彤

績

溪邵班卿明經

作舟

祁門洪述軒大令

壽彭

隨時增補勞

勛居多茲更覆審體例集貲校刊以底於成則吾鄉張筱

傳觀察暨漢陽洪魯軒學博

子彬

翰香別駕

恩廣

泰安汪

謝階大令

寶樹

安康謝丹圃大令

裕楷

六安劉偉齋貳尹

獻謨

實相始終時逾十數年事經十數手其難如此惟是各省案牘至散且繁莫由彙見區區私述不免疏漏貽譏而辦理交涉事件尤貴因應無方不拘於法而亦不背於法所冀通材達識聞一知十以收折衝樽俎之效嚆矢之列所不辭已

光緒十有二年歲在丙戌夏六月桐城徐宗亮椒岑識

通商約章類纂總目

卷一總類上

各國立約年月

卷二總類下

訂約

卷三吏類一

遣使

卷四吏類二

設領事等官

卷五戶類一

稅務一 口岸貿易 長江口岸貿易 陸路口岸貿易

卷六戶類二

稅務二 貨稅 長江貨稅 陸路貨稅

卷七戶類三

稅務三 船鈔 長江船鈔

卷八戶類四

稅務四 子口稅 長江子口稅 陸路子口稅

卷九戶類五

稅務五 稽稅杜漏 長江稽稅杜漏 陸路稽稅杜漏

卷十戶類六